



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dominica 3. Novembris Patrocinium B. V. Mariæ

[urn:nbn:de:hbz:466:1-52716](#)

supperet mori discere, cùm moriendum erit.

Instructio meritoria.

Habet & suos S. Martinus discipulos, quos inter & illi, qui singulis feriis VI. Vel sabbathis, ut bonam, quietam, & serenam obtineant mortis horam, nunquam utuntur lecto, aut dulci culcitram; sed humo durâ, nuda, hispida. Imitemur! Cum consensu tamen Patris spiritualis. Vel feriâ VI. aut sabbathô in hunc finem ad noctem abstineamus ab omni cibo calido pro condigna præparatione ad mortem. Non delitosi, sed violenti rapiunt cœlum, & mortem triumphant. Hodie oremus pro nobis ipsis commendationem animæ.

Festum Patrocinii Beatissimæ
Virginis Mariæ.

EXHORTATIUNCULA I.

Monet nos hodie S. Joannes Chrysostomus: Quicunque amatis Virginitatem, & vitæ sanctitatem, ad Matrem confugite Domini, ut ejus Patrocinii utilitatem assequamini. Deus ita dili-

diligit Mariam, ut nullam prorsus conferre velit gratiam, nisi per ipsam. O nos temerarios, si Mariam deseramus, & auxilia in creaturis, & hominibus quæramus!

Instructio meritoria.

Non! Non! in homine nec spes, nec salus. Veneremur Mariam per formulam votivam, & Cursum Marianum commendantes ei omnes tum animæ tum corporis necessitates. Certè ô Domina! Cùm te aspicio, nihil nisi misericordiam cerno; nam pro misericordia Mater Deifacta es. S. Bern.

II.

MAgnum revera miraculum, exclaims D. Chrysostomus, fuit beata semper Virgo Maria. Quid enim illâ aut majus, aut illustrius tempore ullo inventum est, aut aliquando inveniri poterit? Et ad hoc non exultet cor filii? Non gaudet, & jubilet devoti clientis animus?

Instructio meritoria.

Gratulemur Mariæ, & quoties transibimus hujus sacratas Imagines, toties vel ore, vel mente eam salutemus gratula-

624. Dominica III. Nov. Patrocinii B. V. M.

tulabundi : *Gaude Maria Virgo.* In Venerationem autem Mariani Nominis recitemus *Magnificat* : *Ad Dominum cùm tribular. Retribue. In Convertendo. Ad te levavi* : cum oratione : *Concede nos famulos tuos quasumus Domine Deus perpetuamentis & corporis sanitatem gaudere. Nunquam enim fuit aliquis sanctus, vel sancta ita affecta ad salutem, & omne bonum populi Christiani sicut Beatissima Virgo.* S. Antoninus.

III.

CHare! quidquid Redemptori nostro debemus, idem suò modò debemus & Mariæ Patrocinio. Nam Dei Filius nobis nihil confert boni, aut misericordiæ, nisi per manus Mariæ, per quam & peccatorum consequimur veniam. O felix, cui datum, tantò frui patrocinio!

Instructio meritoria.

Ne amittamus, ad signa Angelicæ Salutationis cum omni devotionis, humilitatis, & Marianæ Reverentiaræ affectu flectamus, matrisque Divinæ potentem coram Filio imploremus assistentiam.

Clau-



Clausulæ locò subnectamus invocatio-
nem S. Joannis Chrysostomi quotidie
orantis : *Ave igitur Mater! Ave cœ-
lum, puella, Virgo, thronus, ecclesiae
nostræ decus, Gloria, & Firmamentum,*
*affidue pro nobis precare Jesum Filium
tuum, & Dominum nostrum : Ut per te*
misericordiam invenire in die judicii, &
quæ reposita sunt iis, qui diligunt Deum,
*bona consequi possimus, gratia, & be-
nignitate Domini Iesu Christi : Cum quo*
*Patri simul, & sancto Spiritui gloria, ho-
nor, & imperium nunc & semper in sa-
cula sæculorum. Amen.*

Festum S. Æmiliani Abbatis
Magni totius Hispaniæ ex Ord. S.P.
Benedicti.

EXHORTATIUNCULA I.

Nascitur humili loco, quem tamen
virtute S. Æmilianus reddidit per
totam Hispaniam illustrissimum. No-
bilitas folida non multis avorum ceris,
sed virtutum acquiritur meritis. Quid
juvat, clarere sanguinis nobilitate, & ob-
D d scura-